

4

懷清堂集

T 5466 / 3248 1

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
SEP 15 1933

5531 / 3248





溪清堂集卷七

仁和湯右曾詩

八月十五夜試院取茶用東坡韻作二首

鑾懸其殿地珉生石鼎三沸茗地鳴清風過雨差一快卷

帳忽疑茶烟輕開門之芥非第一食水盞限此何意要將

水當勝頰煎清滿冷冷落夜是石花蒙與來自掃顧清萬

寸如竹玉一草蕙若不嫩飢飽勝觀餅居并磨水蘭始芽

老草苗一段已有清香隨君不見雲寒桂滿今宵好細泛

無煙新酒時

月外空山宿生老長冰任青鳴樓頭飄落如飛雪沈



懷清堂集卷七

仁和湯右曾西厓



八月十五夜試院煎茶用東坡韻作二首

鑊廳萬竅蛄蚓生石鼎三沸蒼蠅鳴清風過雨差一快卷  
幔忽颺茶烟輕閣門之并非第二煮水蠻陬此何意要將  
冰雪滌煩煎清清泠泠落夜泉石花蒙頂來自蜀顧渚萬  
芽如屑玉一車載茗不療飢猶勝觀餅居井巖木蘭始芽  
瑤草苗一啜已有清香隨君不見露寒桂滿今宵好細泛  
風簾浙浙時

門外立鵲慚諸生老夫投牀作雷鳴樓頭紙落如飛雪沈



宋時名誰重輕休論揚一與益二險阻西來識天意淄澠  
別白勤烹煎由來相士如品泉相如子雲出西蜀昆吾寶  
刀于闐玉楚宮細腰常忍飢城中佳人矜廣睂各爭好尙  
異妝束輕裾利屣行追隨君不見牽蘿補屋誰氏子絕代  
風流羞入時

黔陽絕句

西南諸寨接牂牁風俗傳來火濟多紅狔猪連花狔猪白  
羅羅雜黑羅羅  
依稀九驛認龍場烏撒平開蜀道長莫怪西溪水嗚咽至  
今婦女說奢香

白白紅紅繡袂花盤絲繪蠟儘堪誇自吹木葉銀環女者  
卜河邊問宋家

清涼山下躡雲行飛越峰初振鬣鳴高柳斜陽易蕭索百  
年陵谷養龍坑

葦撥陰繁呼菊醬芙蓉色豔斲丹砂一叢露洗邛王竹六  
月風開鼓子花

刺梨秋後正舒芒擘得黃柑齒頰香不是瘴昏青草候客  
杵也自進檳榔

四十三盤關索嶺五千餘仞相見坡阿蒙阿字休勞苦聽  
唱山前山後歌



得晴三日卽神仙

諺曰烏撒天常披瓊三日不雨是神仙

谷暗雲埋是漏天

卻怪一旬山雨絕中秋分外月輪圓

羊腸鳥毳路將窮如綫鈎連六詔通一匹練遮滇海馬萬

牛春斷振山銅

熨童蠻女競相將翠罽花鈴一兩行細雨黃絲驛前過叢

祠香火竹三郎

閻梅公中丞出觀家樂

燒殘絳蠟月朧明百和香中吹玉笙一片綵雲飛不散曲

闌干外豔歌聲

探喉一串玉盤珠華屋神仙絕代無惱亂中丞筵上見梨

園弟子李仙奴

審音荀令與周郎檀板銅槽共一牀山雨乍收簾月白聽

風聽水按伊涼

玉雪兒郎髮未齊嫩叢蘭蕙出香溪南朝瓊樹無人見嬌

小宮鶯恰恰啼

管咽絃停意淺深雲窗六扇漏初沈已迷秦客風花路休

笑吳兒木石心

東山與梅谿長老

巉絕發曇寺樵人細逕分路黃秋後葉山黑雨餘雲馴鴿

投空下疎鐘入定聞蚤耽清淨義花界宿氤氳



懷濟堂集 卷一 三  
聞道峨眉老心空日坐禪  
鬢絲蠻嶺雪鄉味蜀山泉  
飛錫來千里哦詩剩幾篇  
黃花兼翠竹節物兩悠然

自百盈泉至黔靈山寺

憶昔冒雨東山行山寺粥鼓傳  
新晴雲中黛色幾千尺兩  
腳已鞞芒屨輕寒花修竹自閑  
麗赤髭白足相邀迎孤亭  
崔嵬出林罅下睇萬瓦浮連  
薨黔靈一峯隔嶺背但見紫  
翠烟巒并歸來合眼想娟妙  
坐覺天宇開崢嶸今晨款門  
少賓客襟帶蕭散帷齋清公  
廚三日會當去十里肯惜游  
山程疎風細雨引前路小蝶  
豔豔繁秋英道逢樵客看碁  
罷亦有田父衝烟耕雞鳴竹  
裏淡日色犬吠塢外喧溪聲

扁舟亭中一泓水晝夜百度無  
虧盈清甘未得借瓢飲空  
負桑苧煎茶情草中覓路轉  
蒙密巖頂踏逕頻迴縈琳宮  
突兀佛塔湧古木上與闌干  
平祇園弟子越千指盡學寂  
滅談無生青山門外幾風雨  
一縷坐看香烟橫維摩方丈  
清晝掩天女一笑花爲榮尋  
詩問法兩無礙空手欲控橫  
江鯨法華魚肉何足啖自煮  
蔬藪炊香秔萬錢詎抵一飽  
樂盤案已洗秋營營蠻花峒  
草足瀟灑斗大未可輕山城  
他年林端發蒼筍道人記我  
曾畱名

龍里別錢蒼浮兼寄王介夫楊青村汪道百

驛館燈初爇天邊鴈失羣  
溪聲寒漱玉嶺樹細叅雲  
別酒



一宵罷孤懷萬里分憐君好才調蠻府作參軍

風流王武子邊徼十年遲州縣官曹屈聲名 人主知時方

見歸蕭條閑歲月意氣好男兒漏鼓山城夕明燈想後期

楊侯出宰日遺老贈圖經官舍如菴小荒山入縣青離杯

宛猶昨夜雨忽同聽愛爾溪風句清音共宵冥

烟沈青草瘴月上鐵溪魚執手時未幾淒風歲欲除苔痕

漬雨後楓葉得霜初好共嬌兒語琅琅聞讀書

重經高真觀

羽化亦云久靈扉長不扃石池雲掩靄檐桂雪蔥青月白

起鸞吹天寒梳鶴翎丹經遺訣在吾欲寄頽齡

倒馬坡望張三丰仙影

峒峒青雲梯汎汎紫烟路似聞駕鴻人凌虛從此去真人

塞其內外像非所務大哉宇宙閒神游無不寓西馳追金

鴉東走逐玉兔揮戈縱可迴運化等塵露不見崑崙頂精

魄得長駐

鎮遠寄道百

投分固膠漆託契共芝蘭弱歲為兄弟憂樂每相關如何

中分飛參差各羽翰風雨一乖睽驚嗟合併難

合併安可期倏忽成對面念子蠻中居五年不相見睢盱

視殊俗顛顛頽頽異縣每得懷袖書書來增繾綣



繾綣臨蕭晨歡笑旋酸辛行輶倚門左餞道出城闈離言  
豈爲繁悲至不得陳但語各努力門戶寄一身  
一身不自由念我與子同來如浮水萍去若衝風蓬憫憫  
日月逝析析蘭蕙叢二頃種秫田懷哉歸老農  
老農詎易學艱難少生理做屣累妻帑斗米戀祿仕坐君  
臨池閣倚君讀書几沉吟身世間憂來誰舉似

鐵谿

一水弄清暉沿流屢迴轉山光坐超忽明媚翠微淺穿沙  
湍瀨激絕壁屏障展緣溪逕逶迤置足石頻選漁樵分野  
席一笑謝軒冕長潭數游鯨懷古竒餘緬巖端花雨落翠

色自舒卷苔滑仙人橋竒懷阻游衍松根隱修蛇雲外聞  
吠犬陰崖寒鐵色千尺高偃蹇蠻荒人迹稀荆棘密不翦  
古來佳山水梳剔人所顯欲鑿巖巒幽小筆媿雕篆徘徊  
悵將歸寒露夕已泫

中河山佛閣懷道百

霜重水澄碧清江澹淡波故人天末遠佛閣晚來過雁齒  
萬檣列蛾眉羣岫多幽期成獨往惆悵對山阿

登舟

馬歇休筋力舟行任起居喜隨鷗去遠憶共雁來初鄉思  
縈閑日郵籤報睡餘殷勤託雙鯉萬里夜郎書



懷清堂集 卷七  
自平溪至便水

五更江起霧暗裏蕩雙槳洶洶無停聲浩浩信長往推篷  
暫窺臨牒子浪花上川光互明滅山影迷俯仰纜船呼晨  
炊風日漸晃朗澄澄碧波映皎鏡平似掌迴湍成圓淵觸  
石怒濤響灘行屢紆直石骨轉森爽天寒竒姿露刻畫勞  
萬象千林散青紅絕境見無兩晨霞互彬駁雲錦亂泱泱  
緣流况舊山水盡憶弭榜永懷滄洲趣暫此清尊賞

楓木塘

如此江山臥不起兀兀篷窗云睡美坐令拊掌笑兒童飛  
槳聲中饋面水起看嶺雲斷復續更誇霜葉紅閒紫佳時

九月十月中孤棹千山萬山裏青螺髻縮石簇簇白玉盤  
堆水瀾瀾灘漣漣羽落沙鳥喧穉田紅野老喜村中嫁女  
捉鷺鴨船上呼兒數魴鯉幾疊屏風碎錦斑一箇明鏡香  
雲委漁燈隱隱襯霞上塔火沈沈出水底湖南風物足畱  
連不獨騷人詠芳芷

橫江

紅樓白舫家家好翠壁丹崖面面稠佳處真思市門隱生  
來愛作賈胡畱三江雨氣連沅口九疊山光望靖州柱史  
亭前懷古客西風荆棘野塘秋

溱溪值驟風雨



邈迴信所如淑溪日云暮淦淦四山雨冥冥一江霧驚風  
吹弱纜勢挾短篷去舟人走相呼童僕眩屢顧有客方歌  
嘯矯首義陵路華蓋千仞山桃花萬年樹

辰陽舟中

善卷古先生閉戶養芝朮年年丹砂水清淺洞門出福地  
闕幽棲烟蘿望中失

南山孰云移感此風雨暮一峯如靜女嫵媚水北住相向  
淡無言飛雲日來去

清浪灘寄查浦

子昔談此如秋河梢瀆撇漩險莫過中宵不寐念今日一

葉果落千盤渦驚霆過耳電閃日乍劈急箭投飛梭雷洄  
清浪三十里虎牙石怒聲相磨灘師爲言伏秋漲駕天白  
浪高嵬峩橫江大艣不敢下袖手但聽漁郎歌只今天寒  
潦水縮香火尚乞神撝呵下灘波平水濼濼秀色諸嶺紛  
坡陀盛衰苦樂互更迭物理如此人誰何念君秋風不得  
意席帽尚沒黃塵窩種成不惜五石瓠網去已失千尋柯  
古來才大有時用四十未可悲蹉跎旣不能手把鋤又不  
能肩負戈免毫千尖掃皆禿文章小技用則那人間主客  
盡偈仄與子安得辭風波繫纜水之湄晚飯山之阿江天  
風月等閒有添箇雨笠兼烟蓑唾壺擊缺人不憐老驥誰



秣瓊山禾勸君莫學王處仲須學神仙張志和

江上晚泊

飛霰悽以零重陰沍還止靡靡寒威積浩浩夕風起落帆  
逗前浦竹葦數家市畏虎思蚤眠炊烟尚墟里懷歸逝川  
遠日夜向東駛風燈夜凌亂水國天渺瀰悵望離緒多悽  
斷誰復理

發益陽

行艫將安窮南溟阻瀾汗交流滙沅澧川路俄已半風波  
話辛勤寢興錯昏旦蕭條意不愜淒厲歲云晏伊余初祇  
役茗華正堪玩百卉今已腓奄忽衣裘換蒹葭天水永鳧

鷺汀洲亂落日長沙人微風洞庭岸遙岑眇欲盡近慮澹  
已散鼓枻聊一吟悟賞非情歎

見月

地霽氣逾肅天高寒更爽頽陽旣西傾皓魄復東上餘霞  
澄澹澹張樂楚天廣孤光初出匣素景俄映幌號籟葉辭  
條流哀鴈沈響念當窮陰節共此清商賞遙帷滅燈燭冥  
坐寄遐想眇睇西南星爛爛見三兩投浦遠烟暝淪照夕  
波往杳杳依行帆悠悠送歸槳驚魚時撥刺鄰船響夜榜

湘陰

清江如玦環落日歛金碧帝子游不返瀟湘水沈夕薺樹



遠含青水花寒吐白行艦隱迴洲礧礧沂淺流旅泊淹遷  
次動息異沉浮天長沒歸鴈江遠疾去舟去舟曾幾時雪  
消春草滋西南風信惡心急行轉遲留將送歸檝美滿高  
桅吹

望長沙作

湘流若浮空列岫出遙淑水遠不可極的的烟帆舉蘭茝  
悽已衰風波杳何許日暮弔湘君微雲歛平楚

泊長沙西門追念舊游有感

玉礫金沙儼畫圖水清了了見樗蒲湖南賓客今顛顛暮  
雨湘西聽鷓鴣

同劉青岑游嶽麓寺

孤櫂隨輕風江波澹容與歡言故人駕共此霜洲渡遵岸  
草徑微層陰嶺雲互去鴈飛且鳴驚磨走還顧威紆陟崖  
广隱見蔽烟樹入院聞佛香悠然得微悟石門寒葉積竹  
筧暗泉度牕中洞庭野木末瀟湘路松關映殘雪時新物  
已故諾公詩家流雕琢有秀句相將共游衍往復愜歡趣  
曖曖日隱村沈沈水生霧歸橈雜燈火山氣上烟露人生  
流電驚雙鬢易衰素期君簿書暇有約勤來赴

登雲麓峯望南嶽歌

我聞三神山遠在東海東神仙恍惚路難到世上五嶽蟠



懷清堂集 卷七  
胸中憶臨滄溟倚日觀九萬曾踏扶搖風昨辭蓬萊建羽  
節陽景一翳迷高嵩西南萬里入羅鬼似墮幽井窺圓穹  
東還雲夢吞八九張樂已在軒轅宮七十二峯青聯屬蒼  
梧天外雲濛濛清湘水流環九面南嶽神鎮齊三公靈妖  
物怪藪藏納丹雘赤幕光矐矐峯峯低昂宛相次獨有紫  
蓋爭祝融雷泓風穴互開闔玉書金簡留穹窿响嶠山尖  
蚪蚪字人跡欲到路已窮使者虛亭花藥繞山人仙骨烟  
霞通似聞綠髮有毛女不少翠羽來青童離宮福地入縹  
緲目所眺矚攀躋同衡陽縣前昔騁望壓陣巉嵒雲排空  
仙山咫尺俗緣誤况今百病中交訂升高視遠腰腳軟左

右扶掖如衰翁道人鐵瓦緬遺構拜嶽之石高龍嵒九疑  
清猿怨遙夜洞庭落日浮孤篷漢女幽蘭冉冉翠楚妃淚  
竹斑斑紅振衣周覽窮上下忽與意思增清雄人間擾擾  
等蟻蝶慎勿變化隨沙蟲君不見迴鴈峯來八百里揮手  
欲駕冥飛鴻

至舟中復得一絕句

渡頭碧縷郊門柳扇底紅鱗野寺魚一種閉情兩惆悵風  
簾殘燭照繡書

黃陵廟

初日黃陵廟微茫楚塞分烟中塵漠漠祠下水沄沄叢冷



葳蕤竹湖荒散漫雲何人酌椒醕寂寞醉湖君

江夏寄朱悔人王孟毅

長安舊儔侶游好在斯文往者已陳迹  
髯兮尤逸羣荆門寒翳雪夢澤晚連雲  
悽斷郢中唱孤懷正憶君

贈別玉河柳烟條春景初頭陀寺前雪復此  
感離居漢上數歸棹湘中闕報書殷憂結之  
子消息比何如

赤壁謁蘇公祠

東逝隨流波孤舟日沿越晚經齊安郭振迅  
夕飈發水惡不可渡連山浮溟渤繫纜陟臺  
基登闔矚岑樾蒙茸翦已久軒敞樹華闕名  
賢迹偶經萬古斗柄揭楚澤叢香草餘

芳殊未歇當時馮夸宮幽怪鑿毛髮紅沙漲  
圻岸漸遠波匿窟拾級連巖高天長鳥飛沒  
垣墉起迢遞林麓傍隆宰縞衣揖羽流綠髓  
鍊金骨憂來思洗醜浩蕩醉江月

遊寒溪西山

劉郎汰下波隱天楊葉洲邊初扣舷清江如  
畫浪伏息武昌樊口山依然峩峩幾尺開烟  
鬟吳宮美人顏如蓮千年臺殿沈野水石上  
空有金牛眠寒谿冰雪凍始堅涸絕不復流  
涓涓溪橋一綫度微逕孤寺冷落生炊烟九  
曲亭中荒草菅西山佛閣危峯顛仰穿蒙密  
入木杪下俯曠放羅山前老僧饑癯不能飽  
階下唳鶴清吭圓迴廊塔院舊香



懷清堂集 卷一  
火一指猶說南宗禪松風閣下松叅天斤斧斬伐根株連  
神光夜發認何處千牛乳潑菩薩泉東坡居士久得仙高  
安酒官詩幾篇秦張雅游等蟬蛻涪翁妙墨今誰傳空樽  
石上醒醉顏風霜退谷如春妍漫郎文采磨不盡江水日  
夜鳴濺濺南湖一片浮漪漣渚日欲沒孤霞鮮菱菱菰蒲  
歲晚盡莽莽楚藪如平田一邱一壑性所便雲腴澗實隨  
因緣風波流泊今偶爾江山主客長年年

武昌經吳故城

黃旗颭東南漢坻此深阻襟帶越江沔筦鑰重樊楚炎靈  
運四百劔璽遺區寓龍戰爭分崩鹿倚失守府老瞞思竊

國天子不都許獅兒起江東名字劇乳虎英雄蓋世畧叱  
咤輕項羽堂堂紫髯公早繼父兄武英賢備帷帟士馬交  
鼓鼓疾雷破山紅驂驪空北戶濡須出艫舳整暇孰敢侮  
天塹長悠悠國險民安堵犬牙崇雉堞鳳集建樓櫓裘冕  
祀東郊圭幣薦后土袁山廣獵場豹尾神大姥時平離殿  
起豔質歌且舞至今節度石連娟想眉懶釣臺灑酒面荒  
哉賴仲父霸圖跡已陳江聲晚餘怒茫茫五嶼水逆浪打  
次浦

將至九江見廬山

陰風清旦歇江影明灣濛烟中潯陽郭雲外匡廬山汀葭



離披盡沙鳥飛鳴還宿意冀申寫靈境何由攀

阻風九江舟中雪後寒甚羈愁旅况輒見於篇

急沫軋碕岸吹漂斷通津帆席分歸風邈矣廬宮神冰雪  
意蕭摵羈旅事艱辛寄言褚諮議空此平生親

夙昔山澤游柴桑緬高節清風古猶今化遷名不滅睠言  
舊墟里翳翳原上雪從公千載餘約心自流悅

盜城帶縈紆湓水森茫至長懷沉冥子北亭老遺世沙雨

潯陽門霜鐘二林寺清醕能見訪一酌徑須醉

樂天江州詩有尋李

十一云可憐衝雨客來訪阻風人小榼沽清醕行厨煮白鱗

逐客未賜環酒官亦淪謫當時攜妻帑曾此江上宅驚濤

慈湖峽遠夢齊安驛悵矣感滯留庶慰風波夕

### 上鐘山

天寒水涸沙一痕石鐘之山下見根夏秋百川滙彭蠡遙

觸赤岸浮青湓是時石鐘始有聲噌吰鞞風吐吞南音

函胡北清越非絲非竹搖精魂寥寥一噫吹萬有真宰無

朕妙語言眉州老仙去已久後者無繼知誰論長松千尺

窺月臥嫩篠萬箇交風喧山僧雅具看山眼布金此地開

祇園巖藏詰曲戶向背下或如墮高如軒去來今在一彈

指老鶴已瘞巢空存茶香一啜夢清遠江駛萬里流豚渾

旣佳光景忍言去願結淨社依香門



放船至下鐘山

空濛一片雲滿湖西南風起吹檣烏淵淵且止發船鼓秀  
絕下鐘山色無褰裳直上捷猿狖樂哉一幅寒林圖絕頂  
飄飄目四豁左右江湖渺空闊烟波盡處洲渚微髣髴扶  
桑見窮髮天旋地轉不少留迴看星氣忽已周扁舟歲晚  
夢吳越匡廬五老空船頭銜鱸如山萬商集使者纓旌騎  
吹入行人擾擾競錐刀落日悠悠下城邑前臨巨石紛盤  
陀仰看絕壁青嵯峩玲瓏窈窕萬竅出安得澗汨生流波  
風聲水聲奈爾何只今埋沒塵沙多無弦之琴張素壁歲  
久抑鬱恐不和一歌如扣鐔再歌哀知音洞庭木脫水深

深天高月白風入林或鼓或考聲欽欽嶺猿江鴈同夜吟  
潛蛟出聽老龍泣漁父滄浪知此心

彭澤

宿雲初卷雨斑斑迎權神鴉杳靄閒烟裏柳遮彭澤縣夜  
來潮落小孤山青螺峯色寒應斂錦瑟年華客未還欲折  
梅花寄歸信尚憐蹤跡滯江關

馬當山

喉吻從來說呂梁古今夸險已茫茫君看白日青天在弄  
水乘潮過馬當

除夕泊蕪湖



懷清堂集 卷一 五  
一年臘盡可憐宵  
樺燭椒盤總寂寥  
荏苒歲時淹旅宿  
青紅兒女又明朝  
玉堂故事書春帖  
茆屋豐年望斗杓  
閒與村翁話疇昔  
漸看燈火上江橋

元日登梁山絕頂

看山萬里行未足  
蠟屐復此凌天門  
五丁鑿關巖谷走  
兩戒截出江流奔  
垂天之鵬羽翻奮  
橫海有鯨鬣翻東西  
屹立如有意吳頭  
楚尾爲藩垣辛盤  
上日帆落蚤白沙  
一道清江村叢斜  
得路躡飛鞚下看  
落日如朝暎疎林  
木葉寒不脫已變  
凜冽回春溫琳房  
金碧插天漢舉手  
似可星辰捫謝公  
青山紛在眼漸與  
夕照嵐陰昏扁舟  
徑欲下牛渚

怪魅不數魚與鼃  
十年以來逢此日  
仗下廣樂陳臨軒  
享王鞮鞞殿廷舞  
纓綏簪履華星繁  
歸對妻帑日已旰  
人事請謁猶煩喧  
山中清淨今何有  
道人與我皆忘言  
水底潛鱗適浩蕩  
雲邊逸翮辭籠樊  
一年回首風雹過  
又與桃李書朱旛  
惜哉花開我已去  
酌酒且滿屠蘇尊

采石磯

入春二日風和柔  
來尋采石追前游  
騎鯨人去三千秋  
縹緲尚結空中樓  
登臨曠然銷百憂  
江波澄澄靜微流  
高艫如積連汀洲  
天雞晨鳴戲圓漚  
下訪古碣斷不收  
四壁光彩丹青畱  
蕭郎落筆秀且遒  
名山鬼窟洪濤浮  
恍陟玉室



懷清堂集 卷一 六  
凌丹邱嘯傲五岳輕公侯清風亭下思小休長松落落羅  
道周如古君子蒼髯脩道人三四彭聃儔下臨洞穴巖牕  
幽神鏡鬼斧工雕鏤俯仰今古同悠悠云胡不樂吾已媮  
一聲欸乃隨棹謳飄然不繫乘虛舟

雪後望鍾山

建春門外鬱岵紫氣曾傳接絳霄飄灑鍾山夜來雪盤  
盤雲際玉龍腰

晚出長千里

青谿還傍莫愁湖一片斜陽夕草鋪玉樹歌殘驚鐵馬寶  
衣燒盡失金鳧樓空烽火山猶繞冰斷秦淮水半枯惆悵

長干小兒女夜深啼殺繚牆烏

夜半發青山曉抵京口

蕩涵生洪濤揚舲遠天際鯨魚掉其尾一縱千里逝微茫  
曉鐘聲遙落金山寺

琉璃河題壁

綠樹陰濃露未晞槐根青翠濕人衣平橋野店日初上隔  
水乳鴉零亂飛



懷清堂集卷七

懷清堂集卷八

仁和湯右曾西厓

丁丑三月二十一日晚過韜光禪院

澗橋徙倚老松根  
肅肅巖扉自不喧  
坐覺清風生石壁  
行窮脩竹見山門  
依依烟郭江光繞  
點點林鴉海氣昏  
卻怪白沙春漲闊  
游人指點說潮痕

過吳門某氏別業

鳴禽變春聲  
首夏開閑園  
置酒度高閣  
掃石臨前軒  
疎花  
蔦日長  
衆卉交風暄  
孤桐翠新引  
密竹陰已繁  
嘉賓盛壺  
觴兀兀  
雜笑言  
適意各異趣  
寧知寂與喧



懷清堂集 卷八  
題宋牧仲中丞西陂魚麥圖

漫叟江湖句翛然獨會心將家時未可許國意方深池館  
澄波曲襟顏嘉樹陰西陂烟景好展卷得幽尋  
渺渺蒹蒲岸蕭蕭水竹居圖中人自遠濠上興何如散帙  
從漂麥臨池學種魚謝公邱壑性雅與世情疎  
雪苑今詞伯平生分最親橫流思大老古意見綿津水影  
漾已綠烟條發更新蕭閑有何事魚鳥照風神

題宋山言授詩圖

人間詩句鬪英雄誰解蕭閑語更工文采爭如宋公子五  
言冰雪是家風

山谷詩翰林尚書宋公子文采風流今尚爾

自有門庭一瓣香金鍼度與繡鴛鴦承家徐庾多新體文  
字錙銖細覆量

佛香入院一篇詩河曲分吟記往時今日披圖見顏色江  
湖落月十年遲

清水灣遇喬無功

落日生層陰屯雲抱湖尾風波客程阻淮海夕流駛隄迴  
隱行帆邂逅見之子絮語明燈初離悰宵夢裏堆盤釘蔬  
果散帙爛文史清吟憫瘡痍霑潦去年水深思理人術感  
歎夜中起

五月十七夜游縱櫂園



停雲淡欲無清川相與閑臨泛自成趣何必江湖閒落日  
漾彩翠微風散襟顏紛衍草木叢坐久宛深山暮禽共烟  
暝孤月隨棹還沿洄遂忘歸水際門不關洞簫起層閣清  
響結幽潺波心騎赤鯉亭上放白鷗何當乞刀圭仙藥解  
我頑

縱權園四首

幽居適野性况此青林閒小閣夜來雨夕陽池上山風蒲  
翠影亂水鳥滄洲閑釣艇射陂曲烟波時往還  
主人蘭臺客昔侍未央宮抗議赤墀側拂衣滄海東風波  
去不息流泊始無窮寂寂著書地悽悽寒露叢

安步穿橋緩銜杯入座遲水清盤石上風起夕涼時柳下  
收魚笱蘆根立鶴兒鄰人暮吹笛長憶竹林期  
流水撫遺軫鍾期失賞音逶迤泉壑地零落死生心胥水  
池花夕連城海氣陰孤懷待明月有歎必盈襟

贈喬雲漸

昔游淮海濱嘉會君子同別袂一以判十年阻西東讀書  
秋堂清漉酒春醅紅志士秉高節寧知道方窮出處理匪  
齊離心抱忡忡連年相思札緘彼南飛鴻頗憂目近青輕  
雲翳虛空端居結遙念何由豁羣蒙

君有東臯田近在射湖曲漫漫秋塍黃猗猗夏畦綠公家



井稅畢伏臘資亦足河伯昨告災千里等沈陸肅肅哀鴻  
征啾啾飢鳥宿高人甘藜苒儉歲供饘粥時吟瓊琚篇眩  
晃古光蓄松門微月上茶乳汎新馥澹爾靜者心寧爲萬  
物逐

喬柯有卑蔭清源無濁流束髮追羣彥與子心綢繆懷玉  
被布褐遐哉今白頭叩門知緩急稻粱非身謀昔者鄭公  
業衣食常不周又聞徐常侍傾家賣車牛懷君高世行太  
息前賢儔

紆轡指京邑投鞅暫淮壖四序紛迴薄感歎非朱顏堂上  
尊酒陳欵曲平生歡深愧鷄黍約凶年艱盤殮欲分俸錢

薄躄蹶未敢言兒郎皎瓊樹世業書一編小築松石下深  
心豪素間勤當注玉液餘念且勿關

題喬無功梅花書屋圖

冷蕊幽香自到門一鈎寒月近黃昏賦心合在橫斜處知  
是淮南第幾村

淮陰舟中別喬介夫

泝流乘風濤落帆淮鎮泊蕭蕭原上雨分灑入林薄茅簷  
燈火微隄纜管蒯弱長河風浩浩竟夕夢猶噩明晨攬衣  
裳屯雲翳遙郭愁心依故處有酒不能酌况我同懷人須  
臾成離索秋堂讀書夜風雨事如昨十年各飛沈所至異



苦樂方將共游處心跡本寂寞買田未敢期農事慕東作  
題介夫小照

屋後藏書萬卷新門前野水碧粼粼盧郎如此丰神好不  
是牛欄雞柵人

送崑山和尚歸徐州

餅鉢自茲去支公真勝流帆低泊淮鎮花落到徐州余亦  
慕栖隱年來感薄游羽衣明月下他日記黃樓

桃源曉發寄方若及無功介夫兄弟

雞鳴首北路不見淮南樹相望已相思別來曾幾時黃河  
流天外行子飛征蓋飛蓋路已遠黃河去不返願逐河上

舟渡河入淮流河淮水同注到君門前住儻君烹河魚煩

視腹中書

雨宿紅花鋪

夕陽明復翳蒼烟黯不收暮山沈楚色涼雨入齊州細草  
裊餘潤荒陂赴亂流夜燈檐浙瀝孤館颯先秋

農家

農家此墟落無事掩門扉草際餉田去烟中驅犢歸槿籬  
聞犬吠茅屋有鷄飛薄稅輸官蚤應知吏到稀

郊城道中

殘枝宿雨滴初日蚤霞明原上橫霧氣林中喧鳥聲行人



渡野水驛騎轉荒城寂寞勞歌者因之感旅情

道上

出門隨動息際曉漸惹籠葭莢媚幽色水雲澄遠空綠槐  
山店雨紅蓼野塘風滿眼自畱翫休嗟途路中

渡沂水

一葦問舟子淪漪復此閒澄襟照流沫暄景弄湲潺沙遠  
川光滅人稀渡口閑悠然津濟樂誰信浪如山

沂州懷古

南山之南北山北無田何由可得食正復何用得食爲古  
人高節三歎息少年雅慕東岡陂朝事詩書暮釣弋如今

老大轉自笑養雞牧豕無心力瑯琊城頭啼饑烏羸驂劫  
劫朝復晡不須更覓謝仁祖得米但就陶胡奴

再渡沂水憩林中作

屢問漁人渡若爲林叟期微波沙瀨激茂樹午陰移花影  
宿蝴蝶川光隱鷺鷥遙遙白雲橫心憶入山遲

槿花

鮮鮮木槿花青枝間紅萼不待怨秋風朝開暮還落

將至豐城集

廢隴深泥沒平蕪斷岸侵悠悠古時路草草異鄉心汲井  
茅茨下解鞍榆柳陰臥聞牛下鐸是物有知音



沙亭峪始入山

嶽勢已垂盡客來心乍欣  
渠鳴沙上雨雷起峪中雲  
從此巖巒接遙知烟靄分  
東臨滄海上一道翠氤氳

望雨

時在蒙陰道上

橫風自西來飛雨行東峯  
峯峯雨氣接合沓陰雲重  
下有隱君子含景佩蒼龍  
歌嘯方自得閉門聽夜春

雨中曉發

遙山殷雷聲衾枕忽已曙  
出門轉驟駢慘顏怨徒御  
蔽翳陽景虧淹宿陰雲互  
激激澗聲厲齒齒山骨露  
人衝烟光出鳥驚暝色赴  
霽日林半明迴風雨還度  
蒙山杳何許茫

昧郊門樹析麻向中原  
剝棗懷往路清風吹襟袂  
一過澹百慮夷塗良獨難  
安得辭跼步

雨霽

旣霽氣色佳日照前山  
明宿雲尚迴合稍稍南風  
生南風一披拂倏使陰曠  
清隔林送蟬響夾岸亂蛙  
聲昨來山雨過水溢遂繞  
城茲焉已歸壑猶怯褰裳  
行叢生蓬與蒿欣欣自滋  
榮下田藝嘉禾禾偃流縱  
橫愛憎一以別遂傷造物  
平吾生亦一物營已詎非  
情

雨中游歷下亭分賦

紛埃各有營佳游偶然遂  
漾舟清川上颯沓風雨至  
路窮



懷清堂集 卷八 七  
屢屈曲繞迴引幽翠泠泠葭葦叢濛濛水雲地茲亭廢已  
久風雅心所識經營方在今照壁碑版字潭烟沈暝色浦  
樹激寒吹采采湖中花芳洲欲誰遺伊余同懷客壺觴邈  
高致碧筩還小飲香盡人已醉酒酣步前楹跳波看魚戲  
湖聲萬荷葉的樂亂珠墜鵲華隱不見鐘動山南寺緬彼  
千載人窈然滄洲意

九日琉璃廠登高同劉若干作

冬官搏埴歲有程千夫許許雷發聲蓬萊宮中陶萬瓦歲  
久土積山崢嶸登山一笑此何有卻與今年作重九天邊  
斜日暝孤雲望裏西風帶衰柳憶昔慈仁飛閣中四虛突

兀撐青空昨歲蠻江驟風雨雲幙周遮豔歌舞豈知萬里  
從天涯 帝城復采黃金花悠悠感事默惆悵茫茫望古  
空咨嗟君不見宋公戲馬臺英雄格鬪餘蒿萊又不見杜  
老雲安宴詞客哀時淚如霰我曹幸際太平日瀚海烽銷  
新罷戰佳節猶堪繼觴詠書郎莫漫漫憂貧賤河冰昨夜凍  
桑乾積雪隱見浮雲端蒼茫臨眺日欲落激激衣上風吹  
寒日飲無何愛犀首且歸與子同杯酒

送查浦之蘭州

君去過洮水關河落木空黃河繞天外白草滿榆中悲壯  
寒城角蕭梢大漠風書生有燕領辛苦笑雕蟲



萬里通西極 王師獻凱旋三河遺孽少列郡戍兵閑幕  
府風雲上才人文酒間霜中明獵火小隊出蕭關

送別青門側相思隴水頭因風候音旨雨雪向邊州苜蓿  
連天遠琵琶出塞愁金城方畧在暫爾借前籌

二月十三日趙蒙泉孫松坪查臯亭王令詒查聲山

王赤抒吳西齋史蕉飲小集寓齋

憂端來無時忽爾曠沈寂平生慕棲隱早歲鄰緇錫朝梵  
香入林夜鐘寒臥壁蹉跎世緣誤老大飽更歷懷人路杳  
杳撫舊事的的淒斷七條絃中心有離析

披帷來朋知勸我泛清觴云此忘憂物聊以寬中腸一酌

慮暫遣沈思緒彌長滿堂各歡娛向隅默自傷幽幽日沈

夕款款花辭房蕭條感離室半燄餘燈光

故人海曲歸 令詒新自粵還 握手共花底寒暄五流易一官偶然

耳諷諭高州謠澄明盤谷水牛刀雖一割弦歌賑然喜乃

知才且賢匪直風物美嗟嗟同袍者寂寞校三豕

與令詒話舊

五嶺清猿外相思雲海閒故人還執手尊酒為開顏吏議

三年誤離憂半鬢斑逢春易惆悵花落憶還山

為令詒題寫真二圖

梅花村晏坐



懷清堂集 卷八 九  
前年君過大庾嶺清夢每到羅浮巔梅花開時雪萬樹蠻  
鄉地僻心悠然歸尋圖畫記疇昔萬里迴看如咫尺想見  
參橫月白時酌酒對花誰主客

竹溪聽雨

焚香永日坐蕭灑散煩襟可是清冷子翛然江海心幽藂  
喧過雨淺水戲游禽他日山陰興應緣修竹林

晚登臯亭寓樓

風日登臨好乘閒還重尋春泉靜逾碧嵐翠晚來深三月  
烟花節中年哀樂心檐陰黯將夕牕外有羈禽

題梅桐崖抱琴圖

先生冰雪心夙諧山水趣泠泠十指下古意窅然遇門前  
敬亭山色閑穀溪屋後鳴潺潺神仙中人圖畫裏瀑布松  
風試一彈

出右安門游諸園亭至座主宛平公豐臺別墅看花  
盡日作八絕句

傷花淚草我何堪三月幽居閉一龕忽憶尋春春已去又  
隨飛絮出城南

幽禽出谷似關情野水分畦漫漫平一道丰茸芳草路綠  
楊影裏桔槔聲

淮王載酒少經過門館蕭條挂薜蘿閒覺清風入廊檻綠



懷清堂集 卷八  
鱗鱗起水微波

橋迴漠漠野田青  
荷葉菱花接遠汀  
多少懷人傷逝意  
一時併上水邊亭

曉色聰矐錦障開  
殿春花事數豐臺  
天公雨露園公力  
等是批紅判白來

休嗟狼籍市門前  
繞郭栽多萬畛連  
當日洛陽全盛日  
一枝姚魏直千錢

太傅林亭初到時  
銀箏絃撥玉簫吹  
花光二十年如昨  
老大心情付鬢絲

遺山詩老驚仙語  
下筆王郎含古春  
廉趙風流總消歇  
釣

魚臺下養花人

大雨中出廣渠門

滑滑深泥沒膝初  
長安街市欲生魚  
艱難去馬來牛跡  
蕭瑟盲風凍雨餘  
但覺人間盡虞坂  
不知何處是高車  
隔林燈火冥濛起  
恐有幽人閑讀書

新寺

萬曆時中宮建歲久  
圯廢寺僧募貲重脩

一徑陰濃薜荔墻  
偶隨放梵贊公房  
松梢細滴長廊雨  
佛院微明小炷香  
空自布金思長者  
至今紈扇剩昭陽  
舊宮扇尚存  
百年興廢須臾事  
意樹心花入道場

過汪東川祭酒取園新居



高臥園林日掩扉先生真與俗情違舊因看竹人曾到新  
見巢梁燕又飛香爇始知清晝永庭閑細數落花稀何來  
剝啄門前客十丈紅埃未拂衣

次韵西齋毒熱見寄

清冷何路駕飛車奈此焦沙鑠石餘暑熾無緣重命酒日  
長聊喜得緡書握環人似蕭閑甚慰局門知造請疎數畝  
江鄉菱芡地爾時真羨結茅居

短廡深知美蔭難叢生况望繞珠玕一甌香茗因畱客兩  
部鳴蛙不屬官頗愛稱身冰簟滑每思應指玉琴寒何郎

苦熱休題句大火西流取次看

何遜有  
苦熱篇

效樂天體和赤抒下簾見寄

憶君六扇湘簾下吟出新詩冰齒寒當檻花宜垂處見近  
秋月待卷來看小加障蔽流塵少似覺虛明拓地寬瓜飲  
時時兼茗飲人間閑殺是枝官

和赤抒鷺雛

好事誰分雪色雛羽毛未滿態先殊一闌花下看魚戲八  
月秋深共鶴孤恰與野航添物色引教幽夢落江湖更憑  
妙絕丹青手寫入蓮塘蓼岸圖

送令詒之銅仁任

之官鳥道外叢木子規啼人物餘三戶雲山入五溪秋風



沅水上明月夜郎西旅雁稀消息全家好共攜  
昔恨播州遠今來遠更加銅人空沒水金穴枉披沙才子  
烏羅長山城白葛花祇餘官舍好雲木似仙家  
苗獠俗未革教化爾能爲酌酒聽蠻語焚香讀楚辭方書  
防瘴癘祿米給親知詎免爲貧仕歸田且後期  
輶車昔于役回首楚天長山靜鳴銅鼓林深拜竹王故人  
從此去遠道若相將別後能遙憶音書未可忘

送趙明府之合浦

嶺海清泉酌更寒牛刀小試取琴彈采珠不用千餘日  
宿爭還爲長官

晚同聲山原衡飲臯亭寓樓

花鳥春來已舊游牕中落葉倏驚秋故人好在重攜手

原

新自樵明月生時更上樓青嶂晚從烟際出玉河寒傍檻

李至前流與君長簞西風夜不待啼鳥也白頭

再用前韵和原衡

三年與子阻同遊帝里風光及杪秋歸計尚虛黃菊宅  
愁懷多傍夕陽樓悲歡事與浮雲去富貴心如逝水流他  
日相思肯相訪應從柳市更南頭

送蒙泉之定陶任

十載金閨籍蹉跎甫一官未應悲老大已自飽艱難跼步



驂駟厄驚濤溟渤寬浮雲俄頃事一笑爲加餐

陶唐有遺俗樸野幾人家天遠三臆國春饒一縣花訟堂  
餘烏雀農譜課桑麻雉乳漸漸麥知應勞使車

散綬彤墀側疎槐蔭直廬疇咨民瘼切召見主恩初問

俗懷輒遠談經壞壁餘君看一升飯何似五車書

往者文章契諸賢骨肉親

謂乙亥冬丙子  
春文酒舊游

風流隨逝水張

飲復蕭晨鴻雁清秋節林泉我輩人他年雞黍約肯就越

江濱

夜雨

昨夜牕中月今夕林外雨庭軒落木聲兒女殘燈語忽聞

秋管引彌覺離思苦清川日東流懷人渺何許

送內人喪至潞河

營齋十萬不關渠况復長貧願總虛零落郊門送歸日兩  
行白旒一輜車

也解浮塵萬事休誰能華屋不山邱愛河畢竟何時涸老  
淚無端只暗流

一尋往事一傷神風雨漂搖共苦辛料得夜臺回首處尚  
憐廡下伯鸞貧

三年睡起失驪珠慟哭愁雲下直沽

乙亥秋孺人以兒官  
喪歸亦由潞河南下

今日重來嗚咽水夜風蕭瑟颭檣烏



小兒學語似初鶯掌上憐如玉刻成小兒昵孺人尤愛憐之遣向燈前讀論語令君聽取讀書聲

淒涼橫笛不須吹宛轉哀思未是悲一夜孤舟嬌女哭峽猿啼到斷腸時

一語重泉聞不聞平沙獨鶴叫秋羣紙錢飛盡殘缸滅有夢如何不夢君

君歸埋骨舊青山逝矣余行老衲還經卷藥鑪相伴住結茅已就屋三間

八月十五夜

澄明望秋月惆悵入遙帷白露霑衣袂青苔沒履綦鳥驚

飄砌葉風動隔墻枝獨有傷心者偏經搖落時

九日同西溟赤杼西齋蕉飲登慈仁寺毘盧閣以亭

臯木葉下五字爲韵

閒居當重九淒若病葉零稍思謝塵勞偶來叩禪扃升高展遠眺傑閣起亭亭游氛斂已無豁達天宇青飄風颯然至響戛殿角鈴顧此浮念遣恍惚逢仙靈

蔥蘢春陽敷景物麗青臯奄忽被霜露側耳寒蛩號四運行復周狂馳無乃勞不如一杯酒爲歡尋我曹泥塗未云卑嵩華何必高方寸起滅閒萬里爭秋毫

危欄俯萬井蒼然見喬木藹藹帝王州朱甍接華屋高



門豔羅綺清吹激絲竹美人方宴終蘭房扇餘馥寧知雲  
端士蕩蕩散游目仰觀青冥遠俯視白日速

涼颼征雁起落日輕霞接悠悠天末雲蔽蔽林中葉授衣  
及凜秋縫素有閨妾忽念泉下人衰淚俄映曉霜天枯百  
草夜火山南獵安得迴壯心走馬逐游俠

榮瘁各有時黃花又堪把舉俗愛佳節美酒斟滿竿層軒  
凭窮秋西流弱水瀉飛塵橫綺道車馬在其下人生無賢  
愚意得卽瀟灑時哉引頽齡晚節冀休假

懷清堂集卷八



門豔羅綺清吹激絲竹美人方宴後  
端士蕩蕩散游目仰觀青冥遠俯視白日速  
涼颺征雁起落日輕霞接悠悠天末雪  
及灤秋縫素有關妾忽念泉下人  
草夜火山南臘安得避壯志走馬逐游俠  
榮瘁各有時黃花又暮把舉俗愛佳節美酒斟滿學管軒  
凭窮秋西流弱水瀉飛塵橫綺迥車馬在其下人生無賢  
愚意得即瀟灑時哉引瓶酌晚節莫休假



